



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3770/08
Sarajevo, 6.7.2010. godine

01-50-1
07-07-2010

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 07-07-2010			
Organizaciona jedinica	Klasifikaciona oznaka	Redni broj	Broj priloga
01-50-1	15	76	10

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 127. sjednici održanoj 6.7.2010. godine, utvrdilo je Odgovor na zastupničko pitanje koje je postavio gosp. Husein Nanić, zastupnik u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3770/08
Sarajevo, 6.7.2010. godine

HUSEIN NANIĆ, poslanik u Predstavničkom domu Parlamentarne skupštine Bosne i Hercegovine, na 76. sjednici Predstavničkog doma održanoj 21. aprila 2010. godine, postavio je Ministarstvu sigurnosti BiH sljedeće poslaničko pitanje:

„Na 42. sjednici Predstavničkog doma održanoj 17.12.2008. godine, postavio sam pitanje o otvaranju malograničnih prelaza u Općinama Cazin, Bihać i Velika Kladuša. Na isto pitanje dobio sam odgovor od VM BiH 09.04.2009. godine (broj 01-05-50-3770/08).

U odgovoru se navodi da je Državna komisija za integralno upravljanje granicom BiH donijela Zaključak kojim se formira radna grupa koju će sačinjavati prestavnici Ministarstva sigurnosti BiH, Granične policije BiH i UIO BiH. Radna grupa je uradila izvještaj i dostavila Državnoj komisiji prijedloge:

1. Da GP radi otvaranja graničnog prelaza Tržačka Raštela - Kordunski Ljeskovac i Plazikur – Gejkovac, poduzme sve aktivnosti u vezi dobijanja lokacijskih dozvola za postavljanje objekata infrastrukture potrebnih za početak rada ovih prelaza.

2. Da se R. Hrvatskoj predloži održavanje sastanka Stručnih grupa za infrastrukturu radi obavljanja neophodnih pripremnih radnji za početak rada ovih prelaza i utvrđivanja datuma otvaranja a sam sastanak se trebao održati krajem marta ili početkom aprila 2009. godine.

3. Da se do 01.05.2009. godine održi sjednica Mješovite međudržavne komisije na kojoj bi se utvrdio datum otvaranja malograničnih prelaza

Navedeni prijedlozi su prihvaćeni i zadužen je Sektor za zaštitu granica i javni red da prati i koordinira aktivnosti na izvršavanju navedenih zaključaka, sve do puštanja u funkciju navedenih prelaza.

Postavljam pitanje i tražim informaciju o stanju u realizaciji navedenih zaključaka i kada će konačno prelazi biti otvoreni.“

Na postavljeno pitanje, Vijeće ministara Bosne i Hercegovine je na 127. sjednici održanoj 6.7.2010. godine, utvrdilo sljedeći

ODGOVOR

1. Tržačka Raštela – Kordunski Ljeskovac

Granični prijelaz Tržačka Raštela, prema informaciji Granične policije BiH, u potpunosti je završen i spreman za otvaranje sa bosanskohercegovačke strane. Na ovom graničnom prijelazu su urađeni svi potrebni radovi, a da bi otpočeo sa radom potrebno je postaviti kontejner sa vodenim čvorom, materijalno tehnička sredstva (računar, printer, kopir aparat, fiksni radio uređaj sa antenom, službeni telefon, službeni pečat za ovjeru dokumenata pri prelasku državne granice) i dodatno angažirati 10 policijskih službenika Granične policije Bosne i Hercegovine.

Na održanom sastanku radne grupe za uskladivanje prometnih pravaca i izgradnju graničnih prijelaza između predstavnika Republike Hrvatske i Bosne i Hercegovine 17.11.2009. godine u Zagrebu, predstavnici Republike Hrvatske nisu bili saglasni za otvaranje graničnog prijelaza Tržačka Raštela – Kordunski Ljeskovac. Razlog je bio u činjenici što hrvatska strana u tom trenutku nije imala dovoljan broj policijskih službenika i nisu stvoreni infrastrukturni uvjeti za rad na graničnom prijelazu, kao i neadekvatna saobraćajnica koja sa hrvatske strane dolazi do graničnog prijelaza.

Takode, izvršene su sve neophodne pripreme i održani sastanci od strane članova Državne komisije za integrirano upravljanje granicom BiH i eksperata iz ove oblasti za pregovore o izmjenama dvostranih međunarodnih ugovora, koje je Bosna i Hercegovina sklopila sa Republikom Hrvatskom a odnose se na granične prijelaze.

U Sporazumu između Bosne i Hercegovine i Republike Hrvatske o pograničnom saobraćaju i saradnji od 05. marta 2003. godine granični prijelaz Tržačka Raštela – Kordunski Ljeskovac je svrstan u kategoriju kao stalni granični prijelaz za pogranični saobraćaj.

Predstavnici bosanskohercegovačke strane su donijeli jedinstven stav da granični prijelaz Tržačka Raštela – Kordunski Ljeskovac bude prekategoriisan u granični prijelaz za međunarodni putnički saobraćaj, dok su predstavnici Republike Hrvatske predložili da ostane stalni granični prijelaz za pogranični saobraćaj. **U narednom periodu održat će se sastanak između predstavnika Bosne i Hercegovine i Republike Hrvatske i to prilikom će se odlučiti o njegovoj kategorizaciji.**

2. Gejkovac – Plazikur

Granični prijelaz Gejkovac – Plazikur po navodu Granične policije BiH, trenutno nije spreman za otvaranje i puštanje u rad. Od dogovorenih radova sa lokalnom zajednicom oko uređenja ovog graničnog prijelaza, samo je posječeno nisko i visoko rastinje, dok osposobljavanje kontejnera i druga infrastruktura nije urađena. Iz navedenog proizilazi zaključak da lokalna zajednica i nema veliki interes za otvaranje ovog prijelaza, jer se u krugu od tri kilometra nalazi međunarodni granični prijelaz Velika Kladuša – Maljevac kao i granični prijelaz za pogranični saobraćaj Pašin Potok – Zagrad.

Na već pomenutom sastanku radne grupe za uskladivanje prometnih pravaca i izgradnju graničnih prijelaza između predstavnika Republike Hrvatske i Bosne i Hercegovine, održanom u Zagrebu 17.11.2009. godine, predstavnici Republike Hrvatske nisu bili saglasni za otvaranje graničnog prijelaza Gejkovac – Plazikur. Razlog je što hrvatska strana u tom trenutku nije imala dovoljan broj policijskih službenika i nisu stvoreni infrastrukturni uvjeti za rad na graničnom prijelazu.

Članovi Državne komisije za integrirano upravljanje granicom BiH, te pozvani eksperti iz ove oblasti za pregovore o izmjenama dvostranih međunarodnih ugovora koje je Bosna i Hercegovina sklopila sa Republikom Hrvatskom, a odnose se na granične prijelaze razmatrali su i granični prijelaz Gejkovac – Plazikur.

U Sporazumu između Bosne i Hercegovine i Republike Hrvatske o pograničnom saobraćaju i saradnji od 05. marta 2003. godine, granični prijelaz Gejkovac – Plazikur svrstan je u kategoriju kao stalni granični prijelaz za pogranični saobraćaj. Predstavnici bosanskohercegovačke strane kao i predstavnici Republike Hrvatske su iznijeli stav da ovaj granični prijelaz zadrži pomenutu kategoriju. **Na sastanku između predstavnika Bosne i Hercegovine i Republike Hrvatske, koji će se održati u narednom periodu, konačno će se odlučiti o statusu ovog graničnog prijelaza.**



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1415/10
Sarajevo, 6.7.2010. godine

01-50-1
07-07-2010



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 07-07-2010			
Organizaciona jedinica	Klasifikaciona oznaka	Redni broj	Broj priloga
01	50-1-15-76	10	

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 127. sjednici održanoj 6.7.2010. godine, utvrdilo je Odgovor na zastupničko pitanje koje je postavio gosp. Husein Nanić, zastupnik u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-1415/10
Sarajevo, 6.7.2010. godine

Husein Nanić, poslanik u Predstavničkom domu Parlamentarne skupštine Bosne i Hercegovine, na 76. sjednici Predstavničkog doma održanoj 21. aprila 2010. godine, postavio je sljedeće poslaničko pitanje:

"I drugo pitanje također Vijeću ministara. Predstavnički dom Parlamentarne skupštine BiH usvojio je Plan mjera koje je potrebno poduzeti za rješavanje problema građana Bosne i Hercegovine koji su bili zaposleni u preduzećima u Republici Hrvatskoj i otpušteni s posla u periodu 1991.-1995. godine. Podsjećam da je u evidenciji oko 15.000 obespravljenih građana koji pripadaju ovoj kategoriji. Tražim odgovor i informaciju od Vijeća ministara BiH o realizaciji plana mjera sa posebnim osvrtom na mjeru Ministarstva vanjskih poslova BiH koja je predvidjela inicijativu za održavanje sastanka međudržavnih ekspertnih grupa koja su zadužena za rješavanje pojedinih otvorenih pitanja i kojom je bilo predviđeno da se navedena tema uvrsti u prijedlog teza za razgovore prilikom posjete hrvatskog predsjednika Bosni i Hercegovini, i mjeru Ministarstva civilnih poslova BiH u vezi izrade Sporazuma između Bosne i Hercegovine i Republike Hrvatske o rješavanju pitanja otpuštenih radnika."

Na postavljeno pitanje, Vijeće ministara Bosne i Hercegovine je na 127. sjednici održanoj 6. 7. 2010. godine utvrdilo slijedeći

ODGOVOR

Planom mjera koje je potrebno poduzeti za rješavanje problema građana Bosne i Hercegovine koji su bili zaposleni u preduzećima u Republici Hrvatskoj i otpušteni s posla u periodu 1991.-1995. godine predviđeno je da se sačini analiza stanja sa brojčanim pokazateljima o građanima BiH koji su bili zaposleni u preduzećima u Hrvatskoj i otpušteni sa posla u periodu od 1991-1995. godine, na osnovu podataka kojima raspolažu nadležne institucije u BiH, entitetima, kantonima i Brčko Distriktu BiH, kao i udruženja građana otpuštenih radnika iz Hrvatske, te da se pokrene inicijativa prema Hrvatskoj radi rješavanja pitanja građana BiH, koji su bili zaposleni u preduzećima u Hrvatskoj i otpušteni sa posla u periodu od 1991-1995. godine.

U realizaciju Plana mjera su su, u okviru svojih nadležnosti, uključila resorna ministarstva BiH i entiteta, Agencija za rad i zapošljavanje BiH, zavodi za PIO/MIO u entitetima, kantoni i Brčko Distrikt BiH. U dijelu koji se odnosi na inicijativu prema Republici Hrvatskoj došlo je do kašnjenja u realizaciji Plana mjera zbog toga što nadležni organi Republike Hrvatske ne odgovaraju na zahtjeve nadležnih ministarstava Bosne i Hercegovine.

Ministarstvo pravde BiH je u martu 2009. godine od Ministarstva pravosuđa Republike Hrvatske zatražilo informaciju o propisima koji su bili na snazi u Republici Hrvatskoj u periodu 1991.-1995. godine i to iz oblasti radnih odnosa, prava na penziju, otpremninu, zdravstvenu zaštitu, privatizaciju, invalidninu idr. Iako je Sporazumom između Bosne i Hercegovine i Republike Hrvatske o pravnoj pomoći u građanskim i krivičnim stvarima propisana obaveza država ugovornica da, na zahtjev, jedna drugoj dostave propise koji važe ili su važili na njihovom teritoriju, Ministarstvo pravosuđa Republike Hrvatske, ni pored nekoliko urgencija, do danas iste nije dostavilo, niti je obavijestilo o razlozima koji sprečavaju njihovo dostavljanje.

Ministarstvo vanjskih poslova BiH je, prema Planu mjera zaduženo da pokrene inicijativu prema Hrvatskoj radi rješavanja ovog pitanja. S tim u vezi, Ministarstvo je od Ambasade BiH Zagreb u dva navrata tražilo da u Ministarstvu vanjskih poslova i evropskih integracija Republike Hrvatske dogovori sastanak predstavnika ministarstava vanjskih poslova BiH i Hrvatske radi prezentiranja Plana mjera hrvatskoj strani.

Prema aktu Ambasade BiH Zagreb broj 107-04-610/09 od 22.07.2009. godine ova tema se trebala naći na dnevnom redu političkih bilateralnih konsultacija između Ministarstva vanjskih poslova BiH i Ministarstva vanjskih poslova i evropskih integracija Republike Hrvatske koje su održane u Sarajevu, 01.10.2009. godine. Na konsultacijama ova tema nije posebno razmatrana već je dogovoreno da se s ciljem rješavanja otvorenih pitanja između BiH i Hrvatske inicira i ubrza održavanje sastanaka međudržavnih ekspertnih grupa koje su zadužene za pojedina otvorena pitanja. U skladu s navedenim, Ministarstvo vanjskih poslova BiH je u dnevni red konzularnih konsultacija ministarstava vanjskih poslova BiH i Hrvatske koje su održane u Sarajevu 12. novembra 2009. godine uvrstilo pitanje otpuštenih bh radnika u Hrvatskoj. Predstavnici Ministarstva vanjskih poslova i evropskih integracija Republike Hrvatske su, u vezi s ovim, izjavili da nisu kompetentni da razgovaraju o ovoj temi, jer se radi o problemima za koje su nadležne različite institucije u Hrvatskoj.

S obzirom na činjenicu da u proteklom periodu hrvatska strana nije pružila mogućnost da se konkretno razgovara o ovoj temi, Ministarstvo vanjskih poslova je redovno predlagalo da se u svim bilateralnim susretima ova tema uvrsti u dnevni red, što je jedino bio slučaj za vrijeme zvanične posjete predsjedavajućeg Vijeća ministara dr Nikole Špirića Hrvatskoj 16.03.2010. godine koji je "istakao potrebu rješavanja radno-pravnog i socijalnog statusa bh radnika u Hrvatskoj koji su otpušteni iz preduzeća/firmi u periodu od 1991. do 1995. godine. Naveo je da se procjenjuje da je blizu 60.000 radnika iz BiH na ovaj način ostalo bez posla i da je uvjeren da se zajednički može naći rješenje."

Pored toga, Ministarstvo vanjskih poslova je početkom marta o.g. dalo instrukciju Ambasadi BiH Zagreb da preko Ministarstva vanjskih poslova i evropskih integracija Republike Hrvatske dogovori sastanak ekspertnih grupa u vezi sa pitanjem otpuštenih bh radnika, koji bi se održao u Zagrebu ili Sarajevu i na kojem bi sa naše strane učestvovali predstavnici Ministarstva vanjskih poslova, Ministarstva civilnih poslova, Ministarstva pravde i Ministarstva za ljudska prava i izbjeglice. Postupajući po instrukciji, Ambasada je uputila notu Ministarstvu vanjskih poslova i evropskih integracija Republike Hrvatske 05.03.2010. godine. S obzirom na činjenicu da na notu Ambasade nije bilo odgovora, na naš zahtjev Ambasada je notom od 18.05.2010. godine uputila urgenciju.

Ministarstvo vanjskih poslova i evropskih integracija Republike Hrvatske je konačno dostavilo odgovor notom od 28.05.2010. godine u kojoj se, između ostalog, navodi "...da

nadležna tijela Republike Hrvatske ocjenjuju kako u ovome trenutku ne postoje razlozi za održavanjem predloženog sastanka..."

Imajući u vidu naprijed navedeno, kao i činjenicu da hrvatska strana nije prihvatila saradnju po osnovu rješavanja pitanja otpuštenih radnika, na način predviđen Planom mjera, Ministarstvo civilnih poslova BiH nije bilo u mogućnosti da, u saradnji sa Ministarstvom vanjskih poslova, pripremi Prednacrt sporazuma između Vijeća ministara BiH i Vlade Republike Hrvatske o rješavanju pitanja otpuštenih radnika iz BiH, koji bi bio osnov za pregovore sa Republikom Hrvatskom radi zaključivanja ovakvog sporazuma.